

中國方志叢書·華中地方·第二三號

據 陳善謨等修·徐保慶等纂 影印
民國九年刊本

江蘇省

光宣宜荊續志



成文出版社有限公司印行

sk125/02



10098232


中國方志叢書·華中地方·第二三號

據

陳善謨等修·徐保慶等纂
民國九年刊本
影印

江蘇省

光宣宜荊續志



sk125/62

成文出版社有限公司印行



10098233

中華民國五十九年 月壹一版

光宣宜荊續志

全二冊

發行人：**黃 成 助**

台北郵政信箱二二六〇五號
出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第 一一四七號

敘言

古者郡國圖籍畢上太史於是別國史之例而爲郡縣之書邑之有志蓋昉乎此宜興前有危氏徐王二氏之舊志析縣後甯氏之分志先後吳氏之續志新志秉筆皆一時之選用以徵文考獻發揚邑華歎觀止已民國肇建百度維新治國聞者尤重方志大部鑒此咨行省續修通志並輯縣志以備甄采蘇省設局而後檄下各縣敦促成書善謨適於是時承乏邑篆親見夫風土之清嘉人文之秀偉不乘時建言致令書缺有閒其何以繼往而開來爰與邦人士一再集議詢謀僉同史才則近取梓鄉經費則稍徵

櫛歆禮聘徐君保慶周君志靖總攬局務又得諸才彥分門纂訂善謨於聽政之暇時相過從商榷體例續志斷代爲書光宣兩朝自爲起訖比事屬辭與前志若跗莠之相銜入民國來犖犖大事則又仿圖經類纂之例別爲備志以詒來者荏苒三年殺青將竟不朽之盛業其在斯乎抑善謨有慨夫中國數千年間有君史無民史史法謹嚴凡民間事物細故一切利病所在例不入書方志因之陳義遂狹承修者蹈常襲故視爲一種官書而已若夫記歲時記風土記異聞軼事間采私家筆錄得稍稍窺見民俗之一二讀者有遺憾焉今者民族自決之聲盪於耳鼓潮流

所屆將萃趨於民治之一途是編開始適當鼎革之交深
合變通之旨續志雖詳清事而因革損益已爲政變之先
聲備志歷年較短而於構成地方之要素紀地紀人紀政
尤兢兢三致意皆所以策民憲之進行也後有作者益發
揮而光大之千形億貌刻畫盡致不以是爲官書之奉行
而以是爲民史之前導握鉛懷槩之功過於勒鼎銘鐘之
烈興言及之不禁對溪山而神王也已書成善謨例得廁
名簡端並不辭引咎爲書其崖略如此民國九年十二月
署理宜興縣知事猗氏陳善謨

方皇正井續志

余三

一一

敘言二

民國九年冬十一月福廣奉令知宜興縣事既蒞任喜其山川清淑人物薈萃日與賢士大夫相接思所以興利除弊者無曠於厥官而縣志責在督修尤兢兢焉以爲先務幸詢諸主者徐君保慶周君志靖知續修光宣志已有成書備志稿本亦將瞻成疊經送觀粲乎隱隱各得其所儲君南強又示以地圖圖用精紙采印蔚乎如製錦之有章也秩乎如記里之有鼓也福廣心焉企之徐君等遂請序其簡端竊惟視事方新見聞蓋尠貿然操管義所未安旣而自思徐君等爲是請者豈惟是點綴山川鋪張人物拾

鯁訂於故紙襲月露之浮詞以標異於姓名哉必將因端
竟委墜往知來俾斯志不虛存而有以觀其大也今夫因
雲灑潤則芬澤易流乘風送響則音徽自遠昔人嘗言之
矣光宣以來風會變遷紛紜萬態語其外象似勝從前然
而自治則起滅無常學校則振興有待水利未盡修復實
業未盡擴充益以風俗澆漓日趨浮競民生凋敝宵小潛
滋其不至每況愈下也幾希江蘇情形雖勝於他省而橫
流率率相去似屬無多福廣昔備員省署習聞時事每竊
竊以爲隱憂洎來宜興職在親民尤不能不徬徨夙夜也
觀于續志凡所稱引固已慨乎其言之備志編次尤詳雖

未加論斷然得失自在畦徑可尋簿書之暇日手一編時
加省察假爲指南不以爲紀載之書而以爲政治之鑑則
所謂因雲灑潤乘風送響以興利除弊者固大有在也福
廣雖不敏請事斯語縣之賢士大夫或當許之并質之徐
君等以爲何如其已詳前序者勿贅民國十年六月上浣
宜興縣知事長白祖福廣謹序

光宣續志序

歲在著雍敦牂知事陳公奉文趣修縣志經費既定以擇人爲急集邦人士於庭謀所以膺斯選者公推徐文煥其爲總纂不佞與朱丈小笏次之又舉協纂五人程君小琴徐君倩仲儲君鑄農楊君若漁潘君伯彥時志靖在蘇弗與聞也既徐丈以病辭知事踵門敦請至再三不獲命次當志靖始以書告聞而驚惶茫然若無所措夫志者史所從出也修史難修志亦何獨不然顧以諉諸下走譬以蠡測海使蚊負山何以能堪再書力辭不獲始來宜而知事以聘書至矣儲君鑄農等又以世父於光緒辛巳吳氏志

實爲總裁宜繼前志服勞未可退卻然志靖終未敢驟應也仍謁煥丈請命未許可而朱丈又衰老斷不能來則志事或因以停頓退而自念雖百無可稱而程君小琴等皆吾邑聞人幸獲同舟事當有濟又斯志距光緒辛巳僅及三十年爲時較近辛亥之變人民安堵如故采訪亦當較易始覩顏應命詎程徐潘三君相繼力辭愴然失望公推將君香谷任君亮虞繼之儲君又以事辭公推族弟組園繼之始議采訪限以四月編纂印刷統限年半告成詎意改革之後縣卷散失故紙堆中旣難尋檢舊胥遍索亦多居奇鎮鄉地段綿長耳目亦卒難周徧流光荏苒逾限多

時筆秃脣焦智盡能索始得從潘君伯彥所定目錄類次
編定仍多殘闕未爲完書餘如圖經及志中未載各門均
見備志溯自開局至今將逾二載息壤在彼合境共聞未
克踐言彌深悚懼志靖自任事以來念茲在茲釋茲在茲
每當風蕭雨晦車蹟船脣或況瘁於道途或綢繆於燈火
未敢稍自暇逸以負咎於鄉邦所堪告諸父老者僅僅如
此昔世父序順天志云閱歷甘苦不能無言志靖嘗三復
斯言而不禁怦怦欲動也若夫體例之所在文字之所存
其閒當否雖諸父老幸賜教督同事亦交相扶助隨時審
定終未敢自信覽是編者有以教正之則幸甚歲在上章

涪灘秋八月邑人周志靖謹序

纂修姓氏

督修

知

事陳善謨

知

事祖福廣

主修

徐保慶

總纂

周志靖

監修

徐致章

季元亮

朱葆時

盧葆文

吳之焱

潘鍾瑾

儲鳳韶

周家謨

李逢慶

余鼎銘

湯克仁

萬康

任方時

儲之儒

徐學曾

朱啟鳳

任之驊

史應辰

朱祖蔭

李棣林

協纂

蔣兆蘭

周學源

任卓

楊壽祺

參定

程適

史國琛

儲鳳瀛

任承弼

童斐

朱其元

史之選

任毓泰

潘德荃

徐鏡清

徐德輝

朱楚善

崔克順

徐在滋

程乃猷

謝保衡

周徵萼

路珩

儲南強

潘嗣會